

[II m 2]

SI QUANTAS metrum secundum libri secundi¹ quod dicitur Asclepiadium a frequentatore non ab inuentore, ut patet per Ysidorum, Ethymologiarum libro primo, capitulo de metris,² coriambicum² a pede predominante. Constat enim spondeo duobus coriambis et pyrrhicio uel iambo, cuiusmodi metrum est illud "sanctorum meritis." Huic autem miscuit Ferecracium sic dictum ab inuentore. Constat autem primo pede spondeo uel anapesto quamuis raro, secundo dactilo, tercio spondeo uel trocheo. In hoc autem metro conqueritur Fortuna de inexplebili cupiditate hominum dicens (6) SI COPIA scilicet quam gentiles deam copie dicebant PLENO CORNU TANTAS FUNDAT OPES QUANTAS ARENAS PONTUS (1) INCITUS id est commotus RAPIDIS FLATIBUS VERSAT (2) AUT QUOT SYDERA EDITA id est propalata CELO id est in celo FULGENT STELLIFERIS NOCTIBUS id est noctibus quibus apparent stelle (5) NEC RETRAHAT MANUM scilicet cessando a tali effusione opum (7) HAUT pro non IDEO HUMANUM GENUS CESSAT id est cessabit FLERE id est flendo proponere MISERAS³ QUERELAS. Nota quod, cum Achelous⁴ luctando cum Hercule (de quo magis dicitur infra libro quarto metro ultimo) mutaret se in taurum, Hercules apprehendens eum per

2 I x x x i x 8

1 libri secundi RP (1.2. 0) libro secundo J / 2 coriambicum R coriambis cum P coriambum J coryambum ex coruambum 0 / 3 miseras RPO miserias J / 4 achelous 0 achelaus R athelous P athilles in ras. J /

cornu effregit illud quod nimphe replentes pomis et floribus odoriferis consecrauerunt dee Copie. Sic⁵ fingit Ouidius Methamorphoseos libro quarto. Alii dicunt quod Hercules descendens ad infernum inuenit cornu quod consecrauit dee Copie. Hoc autem cornu dicitur illa dea effundere⁶ necessaria nunc pleno cornu nunc semipleno. Per cornu istud, quod durum est, significatur labor agriculture quod Hercules id est sapiens adinuenit et dee Copie consecrat, dum per huiusmodi laborem terram copiosam reddit uel dea dicitur hoc cornu effundere opes quia secundum laborem agriculture opes multiplicantur. Que quidem multiplicacio aliquando est maior sicut in fertilibus annis in quibus Copia dicitur effundere opes pleno cornu, quia tunc plenarie remuneratur labor cultorum. In sterilibus annis est minor in quibus dicitur Copia effundere⁷ opes cornu semipleno quia labor cultorum non plene assequitur suum intentum. Continuacio: ita dixi quod homines non cessant conqueri quamuis habundanter recipiant. Cuius causa est quia (9) QUAMVIS DEUS PRODIGUS MULTI AURI id est admodum prodigus⁸ multum aurum diffundens LIBENS EXCIPIAT VOTA supple hominum et ORNET AVIDOS id est cupidos CLARIS HONORIBUS tamen IAM PARTA id est acquisita uel possessa NIL VIDENTUR SED SEVA

 5 sic RPO sicud J / 6 effundere RPO effunde J / 7 effundere RP
 fundere JO / 8 prodigi RPPeGJMOD /

RAPACITAS VORANS QUESITA id est deuorans acquisita ALIOS PANDIT
 HYATUS id est receptacula cupiditatis unde quanto plus aliquis
 habet tanto plura desiderat, propter quod libro primo Fastorum
 dicit Ouidius ^a ✓

Creuerunt et opes et opum furiosa cupido,

et cum possideant plurimaplura petunt.

Querere^e, ut absumant, absumpta requirere certant,

atque ipsis uiciis sunt alimenta uices.

Item de eodem Iuuenalis satira 14: ^b ✓

Interea pleno dum turget sacculus ore

crescit amor nummi quantum ipsa⁹ peccunia⁹ crescit

et minus hanc optat qui non habet.

(15) QUE ERGO FRENA RETENTENT tam precipitem cupidinem CERTO
 FINE CUM POCIUS SITIS¹⁰ HABENDI LARGIS FLUENS MUNERIBUS ARDESCIT
 et ideo iste QUI TREPIDUS scilicet timore uenture aduersitatis
 GEMENS CREDIT SESE EGENTEM NUMQUAM DIVES AGIT id est uiuit uel
 ducit se tanquam diues esset. Hic terminantur uerba Fortune et
 sunt prosopopeia.

a v. 211-214

b v. 138-140

 9 ipsa peccunia R (ipm peccunia O) peccunia PJ / 10 sitis RPO
 situs J /